

歷代 日記叢鈔

The background of the cover features a faint, sepia-toned illustration of a traditional Chinese study desk. In the center, an open diary or ledger with two pages of text is propped up. To the left, a dark inkstone holds several brushes. A small lamp is visible on the right side of the desk. The overall aesthetic is historical and scholarly.

學苑出版社

歷代日記叢鈔

第二〇〇冊

日記叢鈔

守土日記

周介禔



錢史實錄

仇鑒題



血
蹟
猶
存

陳嘉庚題

氏

族

之

光

杜建時



倭寇陷陷岳吾邑通處為窮苦
先後三次遭受蹂躪明誠兄素

志守土而以禦寇備極辛勞功在
桑梓形記為奇蹟昔奮門之寫
實亦可見吾邑同胞忠勇報
國慘烈犧牲之偉大精神

總利在望此一筆血債之
清算即與目前九仞之功毋
虧一簣願與邑人共勉之

仇碩夫謹識



民國三十三年三月廿日
湖南支團部

守土日記

目錄

- 一 仇序
- 二 黃序
- 三 自序
- 四 第二次長沙會戰凡二十五天湘陰守城紀實
- 五 第三次長沙會戰凡二十五天湘陰守城紀實
- 六 書後
- 七 感懷

節錄

蔣委員長訓示 對地方長官電令：

守土牧民 責無旁貸

捍禦患難 義所當然

有一寸之土 三戶之民

行政機構決不渙散

行政工作決不中斷

邑侯謝明誠先生守土日記序

同邑謝侯明誠以民國己卯庚辰辛巳三歲兩度獲權邑篆惟時倭寇猖獗侵及岳郡人心洶懼朝不謀夕侯于其間奉命破壞道路封鎖江湖搶運物資組訓民眾確保地方治安竟日奔馳未遑寢處余曾一度參與府事頗知其詳迨第一次長沙會戰侯適去官余亦往參戎幕未數月侯復有來羣邑中之命數電招余共維桑梓余時于役桂南戰事方殷未有以應嗣余隨師入黔驚聞長沙二次會戰乞假還湘晤侯邑城時距戰事結束未逾一月殘破之狀歷歷在目侯乃備述戰時敵情之偵察人心之鼓勵軍謀之參贊物資之供應令人樂聞忘倦至于敵寇殘忍燒殺之狀及吾軍民忠勇赴敵壯

烈犧牲言下輒淚泗交頤且云將有守土日記之作以存其實未幾而三次會戰又臨余復籌振後方仍不獲與侯共分勞瘁明年壬午侯量移桂東與余相遇省門倍極歡譙詢其日記則又將以二三次會戰事實合為一書今歲甲申侯來郡城出書以示且囑為序按其事實雖不過一時一邑之細而推其義蘊則有關於吾國抗戰實史中之一大巨製也不極可寶貴乎獨余與侯曾贊其始而艱難之會未嘗躬與三復斯篇誠不能無報願以報也時在中華民國三十三年甲申歲仲春月湘陰黃輝仁重農甫序于長沙城北厲廬

守土日記自序

吾邑湘陰地瀕湘江兩岸位居長沙下游稽古水號文涇山稱
福地則羅湘之邱澤著於域中遠追屈子孤芳近仰左侯偉烈尤足
以啟人忠義之思焉縣治三面環水城之北與陸地相連城之東為
碧波蕩漾之東湖城之南丰島依山與江水貫通風帆上下瀟湘勝
跡景切西湖城之西瀕臨大河據湘江天塹之險此縣治之形勢也
文星古塔凌雲高聳八景遺荒八景亭為巨石砌成直立於城南西湖堤上點綴瀟湘風景三八年夏敵機肆虐以重磅彈炸燬僅存殘石一堆二儼然戰壘江水平湖波清如鏡斯所謂秀瀝雙湖
三兩次會戰憑作堡壘俯仰江水雲山令人有飄然之感此縣治之景物也溯自岳陽退出
後為挺立湘江最前綫之唯一城市亦我國軍水陸運輸綫之樞紐

鎖鑰湘江長沙屏障此縣治為抗戰大時代之重鎮也

縣境東南粵漢鐵路長武綫貫貫若長蛇之勢綰轂南北戰前荒僻山谿之處悉為輻輳之所其間玉池神鼎山嶺錯雜其北有市曰新市曰歸義曰長樂為通長岳古驛道距新牆河僅七十華里其東流發源於平江直下汨羅橫斷中流蜿蜒入注湘江其西濱洞庭湖而磊石青山營田為湘水入湖所經臨沅口順流於蘆林潭為湘濱之總匯浩浩湘江距縣治尤邇河之西湖沼澤地舟楫川流平原沃野物產豐隆素稱魚米之鄉洎乎倭寇臨我岳陽陸路扼於新牆河水路如鹿角大通湖荷葉湖一帶時有汽艇游弋窺伺我疆土故我國軍於縣境設防須水陸週備考諸山川形勢亦為軍家必爭之地

民國二十八年冬余奉命再權邑政感於是年秋第一次長沙會戰寇兵光殘軍民死事之烈雖未身臨其役與敵週旋而會戰後即奉命總湘北戰地救濟隊事宜躬率隊員赴谷慶戰地帶發救濟賑救濟災民督辦善後調查暴敵蹂躪之實況每過遺壘瘡痍滿目盱衡往事創鉅痛深令人徘徊誠不忍追述者也

三十年秋九一八敵復挾其十六萬之衆及其飛機艦水陸並犯侵我疆土長沙震動推時余方巡視縣西督辦糧政聞警返府抵城堅守幾瀕於危僅有二旬仰託總裁德威獨操勝算暨長官薛公之指揮若定勢摧枯朽卒使暴敵狼奔豕突完成第二次偉大之戰果敵膏燭死灰復燃又於同年十二月中旬乘我同盟國在

南洋戰事方酣之際復挾其三師團等精銳部隊共計二十萬之眾
傾巢侵擾仍沿新墻河南犯各邑首當其衝經我長官薛公坐鎮長
沙調度節節圍蹙楚歌四面亦未及一月竟使頑敵片甲不回此倭
國明治維新以後之慘敗亦我抗倭以來之大勝利豐功偉績舉世
同欽猗歟盛哉

余謬膺邑政守土有責兩度因守孤城控扼湘江門戶以盡厥
職此其間我最高統帥之料敵如神國軍之英勇抗敵人民之慷
慨赴義僚屬之忠誠任事與乎芻粟之供應傷亡之救濟軍民之配
合作戰直多可歌可泣可敬可佩之事蹟尤以崑山部隊曾營長身
殉城隅全營官兵及我警士人民壯烈犧牲深為痛悼

茲記所錄實況第二次會戰始自九月十五日迄至戰後十月十日凡二十五天第三次會戰始自戰前十二月二十日迄至戰後翌年元月十四日亦凡二十五天兩次大會戰結束前後日期相同殲敵之神速殊可異也當時身所經歷隨筆直書毫無隱諱迄今思之猶嫌遺漏顏曰守土日記庶幾前事不忘後事之師且可備國家編纂抗倭戰史及他日重修邑乘之參攷資料益以迭蒙 層峯先後明令獎飾深覺膚功未奏懋前愆後猶當懍戒慎恐懼之誠

三十一年春初恰於大戰結束忽奉檄移任湘南邊徼且喜仔肩之已卸惟恐重任之難勝益增惶悚乃堅辭月餘不果當茲戰塵未息寇焰尤張願吾邑人民本卧薪嘗膽之明訓再接再厲之精神